

**Uunga siunnersuut: Ilinniarnertuunngorniartarneq pillugu Inatsisartut inatsisaata
allanngortinnera pillugu Inatsisartut inatsisaat nr. xx, xx. xxx2020-meersoq
(Ilinniartussanik tiguisarneq pillugu suleriaatsimik allannguneq, semesterimut
siullermut tunngaviumik ingerlatsinermik allannguneq, ilinniartitsisunut
siunnersuisoqatigiit pillugit malittarisassat nutaat il.il.)**

pillugu

Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap

siunnersuutip aappassaaneerpeqarneranut

ISUMALIUTISSIISUTAA

Ataatsimiititaliap suliarinninnermini makku ilaasortarai:

Inatsisartunut ilaasortaq Nivi Olsen, Demokraatit, siulittaasoq
Inatsisartunut ilaasortaq Peter Olsen, Inuit Ataqaatigiit, siulittaasup tullia
Inatsisartunut ilaasortaq Doris Jakobsen Jensen, Siumut
Inatsisartunut ilaasortaq Sofia Geisler, Inuit Ataqaatigiit
Inatsisartunut ilaasortaq Erik Jensen, Siumut

UKA 2020-imi ulloq 6. oktober 2020-imi siullermeerinninnerup kingorna ataatsimiititaliap
siunnersuut sukumiisumik misissorpaa.

1. Siunnersuutip imarisaa siunertaalu

Ilinniarnertuunngorniartarneq pillugu inatsimmi allannguutit arlallit siunnersuummi matumani
siunnersuutigineqarput. Ilinniartut naatsorsuutigisaannut pisariaqartitaannullu tunngatillugu
eqaannerunissaata qulakkeerneqarnissaa siunnersuummi siunertarineqarpoq. Ilinniarnernerup
ukiuani siulermi affarmi pinngitsoorani sorliit atuartitsissutigineqartussat
allannguuteqanerannik imaqarpoq, kiisalu ilinniarnertuunngorniartarneq ullumikkut
aallaavigineqartumit ukiunik pingasunik sivikinnerusumik sivilisinerusumilluunniit
ilinniarsinnaasoqalernissaanik tamanna kinguneqassaaq. Ilinniagaqarnissamut
qinnuteqartarnerup pisariillisarnissaanik siunnersuut imaqarpoq, matumani qinnuteqartoq
inatsisitigut piumasaqaataasut naapertorlugit imaluunniit misilitsinnikkut
ilinniagaqalerumalluni tiguneqarnissamut qinnuteqartoq toqqaasariaarullugu. Ilangullugu

ilinniartitsisut siunnersuisoqatigiivinit tunngatillugu arlalinnik allannguuteqartoqarnissaa siunnersuutigineqarpoq. Rektori aammalu atuarfiup ilinniartitsisui tamarmik ilinniartitsisut siunnersuisoqatigiivinit ilanngunneqarnissaat pillugu aalajangersagaq uterfiginiarneqarluni.

2. Tusarniaanermut akissutit

Tusarniaanermut akissutit inatsissatut siunnersuummut ilanngunneqarput, tamannalu Inatsisartut Siulittaasoqarfiata ilusiliinissamut piumasagaataanut naapertuuppoq.

3. Apeqqutit

Siunnersuutip suliarineqarneranut atatillugu ataatsimiititaliap Ilinniartitaanermut, Kultureqarnermut Ilageeqarnermullu Naalakkersuisoq qinnuigaa apeqqutit arlallit akeqqullugit. Ataatsimiititaliap apeqqutai aamma Ilinniartitaanermut, Kultureqarnermut Ilageeqarnermullu Naalakkersuisup akissuteqaataasa assilineri isumaliutissiisummut matumunnga ilanngussatut ilanngunneqarput. Taakku immikkoortoq 4-imi suliarineqarput.

4. Ataatsimiititaliap siunnersuummik suliarinninnera

Siunnersuummi matumani ilinniarnertuunngorniartarneq pillugu inatsisip allanngortinneqarnissaanut ukiuni 2013-imiit 2017-imut Epinioni suleqatigalugu nalilersuineq tunngavigalugu suliarineqarsimasoq ataatsimiititaliamit maluginiarneqarpoq. Taamaasilluni suliarilluarneqarsimavoq, ilinniartitsisut ilinniartut, siunnersortit aamma aqutsisut sammineqartumut siunnersuuteqarsimallutik.

4.1 GUX-imi tiguneqartarneq:

GUX-imik aallartittut 2014-imi amerlanerpaajugamik ilinniarnertuunngorniartarneq aallartittut 610-usimasut¹ ataatsimiititaliap maluginiarpaat. Ukiunili tulliuuttuni tiguneqartut ikileriarsimapput, 2017-imi amerleriatsiarlutik. Inuusuttut 18-25 ukiullit quliugaangata 6-it inuusuttut ilinniagaannik imaluunniit ilinniarnertuunngorniartarneq naammassisimangitsut ilinniarnertuunngorniarnermut arlallit aallartikkusuttarnerat ataatsimiititaliap paasisinnaalluarpaat. Ataatsimiititaliap apeqqutaanut Ilinniartitaanermut, Kultureqarnermut Ilageeqarnermullu Naalakkersuisup akissutimini oqaatigaa:

“Ilinniarnertuunngorniartarfitta pineqartunik nalilersuineq annertuumik misilittagaqarfigaat, taamaaliornikkut anguniarneqartarpoq qulakkiissallugu amerlanerpaat ilinniarnertuunngorniartarfimmi ilinniagaqarnissaat.”
(Ataatsimiititaliap erseqqissaanera)

Tamanna pitsaasutut ataatsimiititaliamit isigineqarpoq, uparuarluguli tiguneqarneq ilinniakkamik naammassinninnertut isumaqanngimmat, taamaatiinnartarnermullu peqqutaasut aaqiissutissartaallu annerusumik isiginiarneqarnissaat pingaaruteqartoq, inuusuttut

¹ <https://stat.gl/dialog/topmain.asp?lang=da&subject=Uddannels&sc=UD#chart-wrapper>

ilinniagaannik sapinngisamik amerlanerpaat naammassisaqarsinnaaqullugit.

Siunnersuutip siullermeerneqarnerani tigusinissamut ingerlatseriaatsimik allanngortitsiniarneq tiguneqarnissamut piumasagaatip appartinneqarnissaanik isumaqarnersoq apeqqutigineqartoq, ataatsimiititaliap maluginiarpaa.

§ 8, imm. 3-p allanngortinneratigut GUX-imut tiguneqarnissamut piumasagaatip appartinneqassanngitsut ataatsimiititaliaq isumaqarpoq.

Ilinniarnertuunngorniarnermut maannakkut inatsimmi piumasagaataavoq, qinnuteqartut minnerpaamik 10. klassimi angusimasanut karakteri E tiguneqarnissamut anguneqarsimasariaqartoq. Ataatsimiititaliap paasivaa inatsisissatut siunnersuutip allanngortinneratigut **soraarummeernermi** angusat pillugit karakterinut tamanut atuutissasoq manna tunngavigalugu:

”Tassunga tunuliaqutaasoq tassaavoq angusat pillugit karakterit periaatsimi atorneqarsimannimmata, tassa angusat pillugit karakterit meeqqat atuarfiannit soraarummeernermut ilaannngitsut pissarsiariniarnissaat ajornarsimammat.”

Meeqqat atuarfianni inaarutaasumik naliliineq pillugu Namminersornerullutik Oqartussat nalunaarutaanni, § 93, imm. 2, nr. 5,² ima allassimavoq:

”Atuarfik atuartunut 9. klassip kingorna, 10. klassip ingerlanerani aamma 10. klassip kingorna atuarfimmit anisunut atuarsimanermut uppernarsaasiussaaq. Imm. 2. Atuarsimanermut uppernarsaat paasisutissanik makkuninnga imaqassaaq:

5) Atuartitsissutini atuartitsissutinilu qanitariissuni tamani atuartoq pillugu nalunaarut angusimasanullu karakterii kingulliit.”

Ataatsimiititaliap paasivaa maanakkut ilinniarnertuunngorniarnermi inatsit atuuttoq unioqqutinneqartariaqarsimasooq, oqaasertani piumasarineqarmat tiguneqassagaanni aatsaat angusimasani tamani karakteriini E anguneqarsimasariaqartoq. Meeqqat atuarfianni inaarutaasumik naliliineq pillugu Namminersornerullutik Oqartussat nalunaarutaat nr. 3, 9. januar 2009-meersumi § 93 imm. 2 nr. 5-ip danskisut allassimaneq marloqiusamik paasineqarsinnaanera ataatsimiititaliap inernilerpaa, uppernarsaatip imarisaa imatut allassimasinnaasoq:

- a. 1) atuartoq pillugu nalunaarut kingulleq aamma 2) atuartup atuartitsissutini aamma atuartitsissutini qanitariissuni tamani angusai tunngavigalugit karakterii

Imaluunniit

² Meeqqat atuarfianni inaarutaasumik naliliineq pillugu Namminersornerullutik Oqartussat nalunaarutaat nr. 3, 9. januar 2009-meersoq

- b. 1) atuartoq pillugu nalunaarut kingulleq aamma 2) Atuartitsissutini atuartitsissutinilu qanitariissuni tamani angusimasanullu karakterii kingulliit.

Inatsimmi nutaami danskisut aalajangersagartaa kisimi tunngavittut atorneqassappat, taannalu kukkusumik paasineqarpat inatsisinut allanut marloqiusaanera unammillernarsinnaasoq ataatsimiititaliap erseqqissarpaa. Taamaattumik ataatsimiititaliaq Naalakkersuisunut siunnersuuteqarpoq nutaamik nalunaarusiortoqassasoq danskisut aalajangersagartaani ersarissumik takuneqarsinnaasunngorlugu atuartoq pillugu nalunaarummik kingullermik aammalu atuartitsissutini atuartitsissutinilu qanitariissuni tamani angusimasanullu karakteriinik kingullernik atuarsimanermut uppersaammik imalimmik.

Tamatuma paasineqarnissaa eqqarsaatigalugu naapertuutissaaq nalunaarummi oqaasit atorneqartut ilinniarnertuunngorniartarnermi inatsimmi aamma atorneqarpat. Pisariaqanngitsumik paatsiveeruttoqaqqunagu “kingullermik angusimasanut karakteri” iluatsillugu taarserneqarsinnaavoq imatut ”angusimasat karakterit kingulliit”.

Sanioqutsitsilluni tiguneqarnermut atatillugu, qinnuteqartup “ikittunnguit ilaanni” E ataassimappagu, qinnuteqartup ataatsimut piginnaasai ilinniarnertuunngorniarluni ilinniakkap naammassinnaanut naammattut ilinniarnertuunngorniartarnermi rektorip nalilerpagu. Paasinnineq “ikittunnguit ilaanni” pillugu ataatsimiititaliamut Naalakkersuisut akissutiminni allapput:

”Ikittunnguit ilaanni” maannakkut sanioqutitsinissamut akuersisinnaaneq Ilinniarnertuunngorniartarnerq pillugu Inatsisartut inatsisaat nr. 13, 22. november 2011-meersumi § 8, imm. 2 assigalugu paasineqassaaq, kisiannili atuartitsissutit pingaartinnerullugit nalilerneqassapput tak. apeqqu 2-mut akissut.”

”Piumasaqaatit sanioqqullugit akuersinermi piumasaqaatit kinaassutsimut tunngassuteqanngitsut tunngassuteqartullu ilinniartussanik tigusinermi anguniarneqartarput. Kinaassutsimut tunngassuteqanngitsut tamanut assigiimmik saqqumisumillu iliuuseqarnissat qulakkeertarpaat. Aammattaaq qulakkiissavaa qinnuteqartup naatsorsuutigisinnaagaa inatsimmi piumasaqaatit naammassinerisigut tiguneqarnissaaq qulakkeerneqartartoq.”

Tamatuma saniatigut siunnersuutip pisortanut aningaasatigut kingunerisassai pillugit Naalakkersuisut allapput:

”Immikkut akuerineqarlutik amerlanerit tiguneqartarnissaat naatsorsuutigineqarpoq akerlianilli misilitseqqaarlutik tiguneqartartut ikilissallutik.”

(Ataatsimiititaliap erseqqissaanera)

Tamanna tunngavigalugu inatsisissatut siunnersuutikkut matumuunakkut rektorimut piunasaqaatit annertuseriartut, taamaalillunilu taanna qinnuteqartunik amerlanerusunik nalilersuisariaqassasoq, ataatsimiititaliamit oqaatigineqassaaq.

Rektorip naliliinissamat tunngavissai nassuiaatini allassimapput:

”Inatsisitigut piunasaqaatit qinnuteqartup naammassinngippagit rektorip nalilersussavaa qinnuteqartup ataatsimut pisinnaasai ilinniarnertuunngorniarluni ilinniakkap naammassinissaanut naammannersut.”

(Ataatsimiititaliap erseqqissaanera)

Ataatsimut nalilersuineq pillugu ataatsimiititaliap apeqqutaanut Naalakkersuisut akissutiminni allapput:

“Qinnuteqartup ilinniarnertuunngorniarnermik naammassinissinnaaneranik Rektorip ataatsimut pisinnaasanik nalilersuina tunngavigalugu toqqaaneq pisarpoq. Tassani qinnuteqartup atuartsissutini piginnaasai atuarfimmi karakteriliinertut ilaasarpur, allamik ilinniagaqarsimanera, Majoriami piginnaangorsarnera, suliffeqarsimaguni tassani misilittagai kiisalu qinnuteqartup kajumissusia.”

Ilinniarnertuunngorniartimmi immikkut akuerineqarlutik tiguneqarniarlutik qinnuteqartunit amerleriartussatut naatsorsuutigineqartunit rektorit artukkerneqanngippata taamatut periaaseqarnissaq ataatsimiititaliamit pitsaasutut isigineqarpoq.

4.2 Ilinniarnertup sivilissusaa:

Ilinniarnertup sivilissusaa ukiuni pingasuni ingerlanneqartartumut qinigaasatut ukiuni marlunni imaluunniit ukiuni sisamani ilinniagaqarsinnaaneq siunnersuutikkut periarfissanngortinniarnearpoq. Ukiuni marlunni ilinniagaq inersimasunut sammitinneqartoq kiisalu ilinniagaq ungasianiit ilinniartitsinertut ingerlanneqartussatut neqeroortiginieqartoq taassuma kingorna sivikitsumik akunnattumilluunniit sivilissusilimmik ingerlariaqqiffiusumik ilinniartinnut ilinniarnertunut sammitinneqartoq ataatsimiititaliap maluginiarpa.

Ukiunik 2-nik GUX-imi ilinniagaqartut naammassineratigut ingerlaqqillutik qaffasinnerusunut ilinniaqqinnissaminut killissartinneqartut suunersut ataatsimiititaliap Naalakkersuisunut apeqqutigaat. Naak ilinniagaq sivikinnerusumik akunnattumilluunniit ilinniagaqarusuttunut sammitinneqaraluartoq ilinniartut ilinniarnertuunngorlutik soraarummeertartut, taamaasillutillu qaffasinnerusunut ilinniakkanut ingerlaqqissinnaasut Naalakkersuisut akippat. Ukiuni 2-ni GUX faginik qaffasissunik ikinnerusunik ilinniagassartaqarmat qaffasinnerusumik ilinniagaqarniarlutik kissaateqarunik, qaffasinnerusumik ilinniarnissamat piunasaqaatinut ilaangimmat, ilassutitut faginik tigusaqarnissamik ilinniartut ilaat pisariaqartitsissapput.

Tamanna sumiiffinni Majoriaqarfinni immikkut suliniuteqarnissamik pisariaqartitsissasoq ataatsimiititaliamit erseqqissaatigineqassaaq, taakkumi GUX-imi ilinniarneqarsinnaasut nutaat pillugit siunnersuisartussangormata. Taamaattumik sumiiffinni Majoriaqarfinni siunnersortit inatsisimmi matumani allannguutinik paasitineqarnissat ataatsimiititaliamit pingaartutut isigineqarpoq allannguutillu Majoriaqarfinni siunnersortinut ingerlateqqinnehqarnissaat qulakkeernehqassasoq Naalakkersuisunut kaammattuutigalugu.

5. Siunnersuutip aningaasatigut kingunerisassai

Siunnersuutip piviusunngortinneqarnerani aningaasatigut kingunerisassat siunnersuummut nalinginnaasumik nassuiaatini allaaserineqarput. Tassani allassimavoq allannguutit aningaasatigut kinguneqassanngitsut.

6. Ataatsimiititaliap inassuteqaatai

Ilinniarnertuunngorniarnarfinni rektorit immikkut akuerineqartariaqartunik amerlanerusunik suliaqalernermikkut annertunerusumik siunissami pissaaneqalernissaat ataatsimiititaliap avoqqaarerusuppaa. Tamanna karakterit pitsaanngitsut soorluttaaq pitsaasunik kinguneqartussaammat. Taamatut aaqqiineq ilinniarnertuunngorniarnarfinni qaffasissuseq appariarsinnaammat ataatsimiititaliamit ernumassutigineqarpoq.

Ilinniarnertuunngorniarnarfinni rektorit immikkut akuersisarnerisa kingungunerisaanik Ilinniarnertuunngorniarnarfinni qaffasissuseq apparsimassanersoq Naalakkersuisunit misissorneqarnissaa **sakkortuumik ataatsimiititaliamit inassutigineqarpoq**. Inatsisip allanngortinneqarnerata kingorna ukiut 1 – 2 qaangiunnerisigut naliliineq suliarineqassasoq ataatsimiititaliamit takorusunnehqarpoq.

Ataatsimiititaliap isumaqatigiittup siunnersuutip akuersissutigineqarnissaa inassutigaat.

Taama oqaaseqarluni isumaliutissiisummilu allassimasutut paasinnilluni ataatsimiitaliap siunnersuut aappasaaniigassanngortippaa.



Nivi Olsen
Siulittaasoq



Peter Olsen
Siulittaasup tullia



Doris Jakobsen Jensen



Sofia Geisler



Erik Jensen



Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliaq

26-10-2020
Sagsnr. 2019 - 21551
Akt nr. 15136294

**Ilinniarnertuunngorniartarneq pillugu Inatsisartut inatsisaata
allanngortinneqarnissaanik Inatsisartut inatsisissaattut siunnersuut pillugu
Naalakkersuisunut allakkatigut apeqqutitut akissuteqaat**

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Asasakka Kultureqarnermut, Ilinniartitaanermut, Ilisimatusarnermut Ilageeqarnermullu
ataatsimiititaliami ilaasortat

Ataatsimiititaliap allagai 16. oktober 2020-meersut tiguakka, tassanilu apeqqutit uunga
apeqquteqarpoq UKA 2020/193: Ilinniarnertuunngorniartarneq pillugu Inatsisartut
inatsisaata allanngortinnera pillugu siunnersuut.

Apeqqutit matuma ataani akissuteqarfigaakka taakkulu apeqqutit kingornatigut
inissinneqarsimapput.

1. GUX-imut tiguneqarnissamut piumasaqaatit allanngortinneranut suna
peqqutaava, 10 klassimi killiffimmi karakterini tamani minnerpaamik E
anguneqarsimaneranit piumasaqaat maanna 10 klassimi naggataarutaasumik
misilitsinnermi karakteri kisimi taamaallaat atuutissasoq allassimammat?

Akissut:

§ 8, imm. 1, nr. 3-p allanngortinneqarnissaanut siunnersuuteqarnermut
tunngavigineqarpoq karakterit tamarmik ilaatinneqarneq ajormata, tassami
qinnuteqarnermi karakterit tamarmik pissarsiarinissaat ilaatigut ajornartarmata.

Meeqqat atuarfianni inaarutaasumik naliliineq pillugu Namminersornerullutik Oqartussat
nalunaarutaat nr. 3, 9. januar 2009-meersumi § 93, imm. 2 nr. 5-imi
aalajangersarneqarpoq atuarsimanermut uppersaammaiissasut atuortoq pillugu
nalunaarutit kingullit angusanullu karakterii kingullit atuartsissutini atuartsissutinilu
qanitariissuni tamani. Nalinginnaasumik atuarfimi ukiumut marloriarluni angusanut
karakteriliisoqartarpoq kingullerlu kisiat atuarsimanermut uppersaammut
ilanngunneqartarluni, tassalu taanna angusanut karakteri ilinniarnertuunngorniartit
kisiat atuarsimanermut uppersaata aqutugalugu takusinnaasarpaat.

2. GUX-imut qinnuteqartoq tiguneqassappat fagit ataasiakkaat qanoq
nalilersorneqartarpat? GUX-imut tiguneqarnissamut faginut allanut sanilliullugu

fagit pingaernerit oqimaalutarnerat annerutinneqarnersoq ataatsimiititaliamit tusassallugu soqutigineqarpoq.

Akissut:

Inatsimmi aalajangersakkat tunngavigalugit ilinniarnertuunngorniarfimmi tiguneqarnermi karakterit imminnut oqimaalutarneqarneq ajorput, taamaallaat isiginiarneqartarmat qinnuteqartup inatsimmi ilinniartunngornissamut piumasaqaatit naammassisimanerai.

Piumasaqaatit sanioqqullugit akuersinermi piumasaqaatit kinaassutsimut tunngassuteqanngitsut tunngassuteqartullu ilinniartussanik tigusinermi anguniarneqartarput. Kinaassutsimut tunngassuteqanngitsut tamanut assigiimmik saqqumisumillu iliuuseqarnissat qulakkeertarpaat. Aammattaaq qulakkiissavaa qinnuteqartup naatsorsuutigisinnaagaa inatsimmi piumasaqaatit naammassinerisigut tiguneqarnissaq qulakkeerneqartartoq. Kinaassutsimut tunngassuteqartut qinnuteqartut inuttut assigiinngitsuunerat tunuliaqutaasallu assigiinngilluinnartuunerat akuersaartarpaat. Ilinniarnertuunngorniarfitta pineqartunik nalilersuineq annertuumik misillitagaqarfigaat, taamaaliornikkut anguniarneqartarpoq qulakkiissallugu amerlanerpaat ilinniarnertuunngorniarfimmi ilinniagaqarnissaat.

Atuartsissutit sisamaasut pingaernerit kalaallit oqaasii, danskit oqaasii, tuluit oqaasii aamma matematikki naleqarnerusutut nalinginnaasumik isiginiarneqartarnerat misillitagaavoq. Tamanilli isiginninneq aallaavigalugu qinnuteqartumik naliliisoqartarpoq, qinnuteqartullu ilinniakkatigut sammiviit toqqarsimasai tunngavigalugit assigiinngissuteqarsinnaapput. Assersuutigineqarsinnaavoq, oqaatsit pillugit ilinniakkatigut sammivinnut qinnuteqarsimasoq, oqaatsitigut piginnaasaqarluartoq kisianni matematikkimi appasissunik karaktereqartoq. Taamaattumik nalaataqarnermi tamanik isiginninneq aallaavigalugu naliliinikkut, piumasaqaatinik sanioqqutitsinissamut akuersineq tunngavigalugu, ilinniartunngortitsisoqartarpoq.

3. GUX-imut tiguneqarniarlutik qinnuteqarsimasut 2012-imiilli ilinniartut qanoq amerlatigisut itigartinneqarsimappat, killiffimmi karakterii Greenlandic Grading System-skala naapertorlugu E-mit appasinnerusimanerat pissutigalugu?

Akissut:

2012-imit ineriartortoqarsimavoq taamaallitut ullumikkut inatsimmi piumasaqaatinik naammassinninnikkut ilinniartussatut tiguneqartartut amerlisimallutik piumasaqaatinillu sanioqqutitsinikkut akuerineqartartut ikilimallutik. Inissaqartitsinnginneq pequtaalluni akuerineqanngitsoortartut assigisaanik ikilimapput, ukioqatigiillu ikilinerannik tamanna tunngaveqarluni. Qinnuteqartut ullumikkut akuerineqanngitsoortartut tassaapput ilinnialernissamut misilitsinnerni piumasaqaatinik naammassinnissimangitsut.

Missiliummik naatsorsuinikkut ilinniarnertuunngorniarfinnut agguaqatigiissillugit qinnuteqarsimasut ukiumut 800-sarput (pingaarnertut aamma aappaattut qinnuteqarsimasut), taakkunanilu tiguneqartarlutik ilinniartut 525-t. Tiguneqartut pingasuugaangata marluk missaasa inatsimmi piumasaqaatinik naammassinnissimasarput. Qinnuteqartut, ukiut marluk qaangerlugit pisoqaassuseqartumik atuarfimmi inaarutaasumik misilitsissimasut, inatsimmi piumasaqaatit naapertorlugit nalilersorneqarneq ajorput, taamaattumillu tamanik

isiginnineq aallaavigalugu nalilersorneqartuaannarput, taamaalillutillu karakteritik kisiisa tunngavigalugit nalilersorneqartaralik.

4. Allanguutissatut siunnersuummi § 8, imm. 2 imatut allassimavoq:

"Imm. 2. Rektori imm. 1-imi piumasaqaatinik sanioqquitsinissamut akuersisinnaavoq qinnuteqartut misilitsinnerit imaluunniit killiffimmi karakterit **ikittunnguit ilaanni E** ataassimappagu, rektorillu nalilerpagu qinnuteqartup ataatsimut piginnaasai ilinniarnertuunngorniarluni ilinniakkap naammassinnaanut naammattut" (Ataatsimiititaliap erseqqissaanera).

"ikittunnguit ilaanni" qanoq nutserneqassanersoq Naalackersuisunit nassuiaqquneqarpoq.

Akissut:

"*Ikittunnguit ilaanni*" maannakkut sanioqquitsinissamut akuersisinnaaneq ilinniarnertuunngorniartarneq pillugu Inatsisartut inatsisaat nr. 13, 22. november 2011-meersumi § 8, imm. 2 assigalugu paasineqassaaq, kisiannili atuartsissutit pingaartinnerullugit nalilerneqassapput tak. apeqqut 2-mut akissut.

Tassunga aalajangersakkamut nassuiaatini allaqqavoq: "*Aalajangersagaq, qinnuteqartut misilitsissutit ilaanni angusarineqartut minnerpaaffissaannik imaluunniit karakterini angusareqquneqartunik naammassinissimangitsunik ilinniartunngortitsinnaanermik siunertaqarpoq. Oqaasertaliunneqartuni "ikittunnguit"-mi siunertarineqarpoq ersersissallugu immikkut akuersisoqarsinnaassasoq, misilitsissutit sinnerini amerlanerusuni karakterimigut nalilerneqarnermigullu piumasaqaataasunik naammassinissimasoq. Tamatumunnga atatillugu rektori nammineersinnaatinneqarpoq, ataatsimut isiginnilluni naliliisinnaanissaa siunertaralugu. Taamaattumik rektorip ataatsimut naliliinermini naatsorsuutigisariaqarpai karakteriliunneqartut aamma misilitsissutit amerlassusaa, taakkunanilu tunngavigisariaqarlugit piumasaqaataasut suut naammassineqarsimanginnerat aamma piumasaqaataasut suut naammassineqarsimanerat.*"

5. Siunnersuummut oqaaseqaatini allassimavoq:

"Inatsisitigut piumasaqaatit qinnuteqartup naammassinngippagit rektorip **nalilersussavaa qinnuteqartup ataatsimut pisinnaasai** ilinniarnertuunngorniarluni ilinniakkap naammassinnaanut naammannersut." (Ataatsimiititaliap erseqqissaanera)

Ataatsimut pisinnaasanik nalilersuineq Naalackersuisunit nassuiaqquneqarpoq.

Akissut:

Qinnuteqartup ilinniarnertuunngorniarnermik naammassinissinnaaneranik Rektorip ataatsimut pisinnaasanik nalilersuineq tunngavigalugu toqqaaneq pisarpoq. Tassani qinnuteqartup atuartsissutini piginnaasai atuarfimmi karakteriliinertut ilaasarput, allamik ilinniagaqarsimanera, Majoriami piginnaanngorsarnera, suliffeqarsimaguni tassani misilittagai kiisalu qinnuteqartup kajumissusia. Ataatsimut nalilersuisoqarnissaa isumaqarpoq, rektorip nalilersussagai qinnuteqartut ataasiakkaat piginnaasaanik ataatsimut nalilersuineq tunngavigalugu.

6. Aalajangiinermi tunngaviit inatsimmi ersinngimmata, qinnuteqartup piginnaasaasa ataatsimut nalilersornissaanut rektorit ataasiakkaat kisimik naliliissappata, Ilinniarnertuunngorniarluni ilinniarnermut tiguneqarniarluni qinnuteqartut assigiissumik nalilersorneqarnissaata qulakkeerneqarnissaa Naalackersuisunit qanoq nalilersorneqarpa?

Akissut:

Ataatsimut nalilersuinermit sinaakutissat pingaarnertit atuutsinneqarput tak. apeqquq 5-imut akissut. Rektorit akisussaasuvoq, kisianni ulluinnarni rektorit sulisut piginnaasallit suleqatigalugit qinnuteqartunik nalilersuisarpoq.

Qinnuteqartut ilinnialernissamut misilitsinnernik angusisimasut, ilinniarnertuunngorniarfiullu ataatsip ilinniartorisinnaangisai ilinniartussanik agguaanarluni ataatsimeeqatigiinnermut ilinniarnertuunngorniarfiit tamarmik peqataaffigisaannut nassarneqartarput. Tassani ataatsimiitaliami tamarmiusumit qinnuteqartut nalilersorneqartarput. Ilinniarnertuunngorniarfimmil ataatsimi inissanik amigaateqarneq pequtaalluni ilinniartussaqaq tiguneqarsinnaangippat misissorneqassaaq ilinniarnertuunngorniarfimmil allami inissamik neqeroorfigineqarsinnaanersoq imaluunniit utaqqisunut allattorsimaffimmut nalunaarsorneqassanersoq neqeroorutigineqassaaq, soorlu qinnuteqartup ilinnialernissamut misilitsinnernik angusisimappat imaluunniit ilinniartunngornissaminut piukkunnartutut nalilerneqarsimappat. Taamaalilluni ataatsimut nalilersuineq nuna tamakkerlugu isumagineqartarpoq.

7. Periuseq ataaseq malillugu § 8, imm. 1-imik naammassinninngitsut assigiimmik nalilersorneqarnissaat qulakkeerniarlugu nunatsinni ilinniarnertuunngorniarfinni rektorinut ilitsersuummik Naalackersuisut suliaqarniarlutik naatsorsuuteqarpat? Itisilerlugu akeqquneqarpoq.

Akissut:

Malitassat tassaapput aalajangersakkat pingaarnertit tak. apeqquq 5-imut akissut.

Rektorit qinnuteqartut tamaasa ataasiakkaarlugit ataatsimut pisinnaasai nalilersortussaammagit taakkulu ilinniakkatigut sammiviit kissaataat naapertorlugit, nalilerneqarpoq tamanut atuuttussanik pineqartut ataasiakkaat tamaasa ilanngullugit ilitsersuusiornissaq pisinnaangitsaq. Aammalu nalilerneqarpoq, ilinniarnertuunngorniarfiit tassaasut piginnaasaqarfigisaminnik aamma ilisimasaqarfigisaminnik ilinniartuup naammassisinnaasaanut tunngasunik, ilinniakkatigut sammivinnik aamma ilinniartunut inissianik, kiisalu qinnuteqartunik ataasiakkaanik taassumalu piginnaasaanik aalajangersakkat pingaarnertit naapertorlugit naliliisinnaanerusut. Taamaattumik qinnuteqartut nalinginnaasumik sulissunneqartarput tunngaviit assigiit naapertorlugit.

8. 2011-p kingorna ingerlaqqittumik ilinniartunngorniarlutik qanoq amerlatigisut ukiumut agguaqatigiissillugu aallartittarsimappat, piumasaqaatip¹ eqqunneqartup eqqunneqanngikkallarneranut sanilliullugu?

Akissut:


Ataani takusassiaq 2-mi, ilinniartut amerlassusaat, 2010-2015 Naatsorsueqqissaartarfimmeersumi takuneqarsinnaavoq 2010-mit 2015-imut qassit ilinniarnertuunngorniarneq pillugu ilinniartitaanermik naammassisaqarsimanersut, kiisalu ukiuni taakkunani ilinniarnertuunngoqatigiittunit ataasiakkaanit qassit qaffasinnerusumik ilinniartitaanernut ingerlaqqissimanersut ukiut marluk qaangiutinnginneranni. Ukiuni pingasuni ilinniarnertuunngorniarnermik naammassisaqarsimasut taamaallaat pineqarput.

2015-imi ilinniarnertuunngortut kisimik 2012-imi iluarsaaqqinnerup kingornatigut ilinniartunngorsimasuupput, ilinniaqatigiit amerlanerusut ilanngunneqarsimasuuppata assiliaq tamakkiinerusinnaagaluarpoq. Ukiuni pineqartuni ukioqatigiit akornanni amerlanerusut ilinniartunngortarsimapput, taamaaliornikkullu ilinniartut ilinniarnertuunngorniarnermik naammassisaqarnissamik annikinnerusunik sakkussaqaraluartut kivinneqartarsimallutik. Ilinniartut qaffasinnerusumik ilinniartitaanernut ingerlaqqittut amerleriaateqanngillat. Nalilerneqarporlu ilinniartunik amerlanerusunik tigusinerup ilinniartut ilaasa atuarfimmit ilinniarnertuunngorniarnermut ilinniartitaanermikkut killiffeqalernissaannik kinguneqartartoq. Qaffasinnerusumik ilinniartitaanerni aallartittut 2015-imi ukioqatigiit ikileriarnerat assigalugu appariaateqarput.

2012-imi iluarsaaqqinneq nalilissagaanni ukioqatigiinnit amerlanerusunit paasissutissat pisariaqartinneqassapput. Ilanngullugulu alaatsinaanneqassapput ilinniarnertuunngorniarfinni ilinniartunngortartut ilisarnaataat nutaat siusinnerusukkut ilinniartunngortartut pissusilersuutaannut tamatigut assinguneq ajormata. Tamatumunnga pissutaavoq ilinniartunngortartut nutaat ilisarnaatigisarmassuk kinguaariinni siulliullutik ilinniarnertuunngorniarfimmi ilinniagaqalernertik imaluunniit ilikkagassatigut unammilligassaat siusinnerusukkut ilinniartunngortarsimasunut naleqqiullugit allaanerusarmata. Tamakku pissutaallutik allanngortitsineq sivisunerusumik ingerlassaaq ilinniartitaanernik ilisimasaqareersunut ilikkagassatigullu atuarfimmit nukittuunik piginnaasaqareersunut naleqqiullugit.

¹ § 8 imm. 1 Ilinniarnertuunngorniarneq pillugu Inatsisartut inatsisaat nr. 13, 22. november 2011-meersumi

Figur 2. Antallet af studenter, 2010-2015



Note: Inkluderer kun den 3 årige gymnasiale uddannelse.

Kilde: Grønlands Statistik - se tal i Statistikbanken (<http://bank.stat.gl/UDDTRGU1>).

9. Siunnersuummut oqaaseqaatini "Qinnuteqarnermi periaaseq-imi" allassimavoq:
"Tassunga tunuliaqutaasoq tassaavoq angusat pillugit karakterit periaatsimi
**atorneqarsimangimmata, tassa angusat pillugit karakterit meeqqat
atuarfiannit soraarummeernermut ilaanngitsut pissarsiariniarnissaat
ajornarsimammat.**"
(Ataatsimiititaliap erseqqissaanera)

Meeqqat atuarfianni inaarutaasumik naliliineq pillugu Namminersornerullutik
Oqartussat nalunaarutaat nr. 3, 9. januar 2009-meersumi allassimasumut
sanilliullugu allaanerujussuuvuq allassimammat:

"Imm. 2. Atuarsimanermut uppernarsaat paasissutissanik makkuninnga
imaqassaaq:

- 5) **Atuartitsissutini atuartitsissutinilu qanitariissuni tamani** atuartoq pillugu
nalunaarut angusimasanullu karakterii kingulliit."
(Ataatsimiititaliap erseqqissaanera)

Angusat pillugit karakterit atorneqarsimangippata GUX-imut ilinniartut
tiguneqarnissaannut suut piumasaqaataasimappat?

Akissut:

Ataatsimiititaliap apeqqutaanut siullermut akissut innersuunneqarpoq.

Meeqqat atuarfianni inaarutaasumik naliliineq pillugu Namminersornerullutik Oqartussat
nalunaarutaat nr. 3, 9. januar 2009-meersumi § 93, imm. 2 nr. 5-imi
aalajangersarneqarpoq atuartoq pillugu nalunaarut angusaanullu karakterii kingulliit
taamaallaat atuarsimanermut uppernarsaammi ilanngunneqartassasut (angusanut
karakterit ilinniarnertuunngorniartarneq pillugu inatsimmi pineqarput "angusat
karakterit kingulliit"). Taamaattumik aalajangersagaq imatut paasineqassanngilaq,
angusanut karakterit kingulliit tamarmik ukiumi atuarfiusumi kingullermeersut

atuarsimanermut uppersaammut ilanngunneqartassasut ataatsimiititaliap
allassimasaatut. Taamaattumittaaq angusanut karakterit kingullit
ilinniarnertuunngorniarnermi tiguneqarnermi atorneqartarput.

10. Qinnuteqartut tamarmik GUX-imut tiguneqarnissamut misilitsinnissamik
neqeroorfigineqannginnerannut suna pequtaava / suut pequtaappat?

Akissut:

Allannguutissatut siunnersuut naapertorlugu inatsimmi aalajangersakkat tunngavigalugit
tiguneqanngitsut imaluunniit piunasaqaatinik sanioqquitsilluni tiguneqartussat
tiguneqarnissamut misilitsinnernut peqataasassapput. Qinnuteqartorlu misilitsinnermi
qaqisiguni qinnuteqartup ataatsimut pisinnaasai nalilersorneqassapput.

Tiguneqarnissamut misilitsinnerit siunertaraat qinnuteqartoq periarfissinneqassasoq
ilinniartitsissutini ilisimasaminik atuartitsinnermut naammaginartumik
malinnaasinnaanermik ilinniartitaanermillu naammassinnissinnaanermik
takutitsinissaminut.

Atuarfimmi atuarsimanermut uppersaatip atuartup ukiuni qulini atuartsimanermini
angusai uppersaaserneqartarput. Tiguneqarnissamut misilitsinnermut sanilliullugu
tamatumaa naliliinissamut tunngavissaq pitsaanerusoq pilersittaraa nalilerneqarpoq.

Inussiarnersumik inuulluaqqusilluta


Karl Frederik Danielsen



Kultureqarnermut, Ilinniartitaanermut, Ilisimatusarnermut
Ilageeqarnermullu Ataatsimiititaliaq

Inatsisartut

04-11-2020
Sagsnr. 2019 - 21551
Akt nr. 15262505

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

**Ilinniarnertuunngorniartarneq pillugu Inatsisartut inatsisaata
allangortinneranut malitseqartitsisumik Naalakkersuisunut allakkatigut
apeqqutitut akissutit**

Asasakka Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliamut ilaasortat

Ataatsimiititaliap 2. november 2020-mi allagai tiguakka, tassanilu malitseqartitsisumik
allakkatigut apeqquteqarpoq uunga UKA 2020/193: Ilinniarnertuunngorniartarneq
pillugu Inatsisartut inatsisaata allangortinnera pillugu Inatsisartut inatsisaat.

Apeqqutit tamaasa ataani issuarnerisa kinguninnguanut akissutikka inissippakka.

1. Siullermik atuarsimanermut uppersaat pillugu skabelonimik
ataatsimiititaliaq piumavoq

Akissut: Uppersaat pillugu iluseq/skabelon allakkanut ilanngunneqarpoq.

2. Ataani akissuteqaat ataatsimiititaliamit paasiuminaatsinneqarmat
itisilerneqarnissaanut Naalakkersuisut qinnuigineqarput:

*"Meeqqat atuarianni inaarutaasumik naliliineq pillugu
Namminersornerullutik Oqartussat nalunaarutaat nr. 3, 9.
januar 2009-meersumi § 93, imm. 2 nr. 5-imi
aalajangersarneqarpoq atuortoq pillugu nalunaarut
angusaanullu karakterii kingullit taamaallaat
atuarsimanermut uppersaammi ilanngunneqartassasut
(angusanut karakterit ilinniarnertuunngorniartarneq
pillugu inatsimmi pineqarput "angusat karakterit
kingullit"). Taamaattumik aalajangersagaq imatut
paasineqassanngilaq, angusanut karakterit kingullit
tamarmik ukiumi atuariusumi kingullermeersut
atuarsimanermut uppersaammut
ilanngunneqartassasut ataatsimiititaliap
allassimasaatut. Taamaattumittaaq angusanut karakterit
kingullit ilinniarnertuunngorniarnermi tiguineqarnermi*

atorneqartarput.”
(Ataatsimiititaliap erseqqissaanera)

nalunaarutaat nr. § 93 imm. 2 nr. 5-imi allassimavoq, Atuarsimanermut uppersarsaat paasissutissanik makkuninnga imaqqassaaq:

5) Atuartitsissutini atuartitsissutinilu qanitariissuni tamani atuartoq pillugu nalunaarut angusimasanullu karakterii kingulliit.”

§ 93 imm. 2 nr. 5 marlunnik avinneqartoq ataatsimiititaliap paasigaa oqaatigineqassaaq atuarsimanermut uppersarsaat makkuninnga imaqqartoq:

1. atuartoq pillugu nalunaarut kingulleq aamma
2. Atuartitsissutini atuartitsissutinilu qanitariissuni tamani karakterii kingulliit.

Akissut:

§ 93, imm. 2 nr. 5-ip meeqqat atuarianni inaarutaasumik naliliineq pillugu Namminersornerullutik Oqartussat nalunaarutaat nr. 3, 9. januar 2009-meersumi oqaasertaliornera ataatsimiititaliap paasinninneratut paasineqarsinnaasumik ilusilerneqarsimavoq. Imatulli aalajangersagaq paasineqarsimavoq "kingulliit" tunngatinneqarluni "atuartoq pillugu nalunaarut"-mut aamma "angusimasanullu karakterii". "Angusimasanullu karakterii kingulliit" atuarsimanermut uppersarsaammi tassaassaaq inaarutaasumik angusimasanut karakteri, tassami taannaammat angusimasanut karakteri kingulleq.

Tamanna tunngavigalugu ilinniarnertuunngorniartarneq pillugu allannguutissatut siunnersuummi siunnersuutigineqarpoq § 8, imm. 1, nr. 3 "10. klassemi killiffimmi karakterini tamani"-mit "10. klassimi killiffimmi karakterini tamani"-mut tassani taamaallaat pineqarmata inaarutaasumik killiffimmi karakterit, atuarsimanermut uppersarsaammi nalunaarneqarsimasut.

Oqaasertaliineq issuarneqartoq "(tassa imaappoq killiffimmi karakteri taaguuserneqartoq "killiffimmi karakteri tamani" ilinniarnertuunngorniartarneq pillugu inatsimmiittoq)" "ilinniarnertuunngorniartarneq pillugu inatsimmi" ilanngunneqarsimavoq, maannakkut allannguutissatut siunnersuummi saqqummiunneqartumi taamatuttaaq isumagineqarpoq.

3. "Atuartitsissutini atuartitsissutinilu qanitariissuni tamani" qanoq paasineqassanersoq Naalackersuisut qinnuigineqarput nassuiaqqullugu.

Akissut:

Atuarfik pillugu inatsimmi § 10, imm. 1-imi aalajangersarneqarpoq alloriarfinni tamani immikkoortiterilluni aamma immikkoortiterinani atuartitsineq pisassasoq atuartitsissutini taaneqartuni qanitariissuni. Atuartitsissutit qanitariissut nalinginnaasumik tassaasarput atuartitsissutit arlaqartut. Assersuutitut taaneqarsinnaapput atuartitsissutit qanitariit oqaatsit, tassaasut atuartitsissutit kalaallit oqaasii, qallunaat oqaasii aamma tuluit oqaasii kiisalu allamiut oqaasiisa pingajui.

Kisianni allatigut atuartitsissutit qanitariissunut ilaapput atuartitsissutaanngitsut kisiannili qulequtaqarluni sammisassat, atuartitsissutaasussat. Taakkununga ilaapput sumiiffinni ataasiakkaani ilinniartitsissutissatut toqqakkat.

“Atuartitsissutini atuartitsissutinilu qanitariissuni tamani” siullermik atuartitsissutit ataasiakkaat ilaapput, taakkulu atuartitsissutinut qanitariissunut ilaallutittaaq. Atuartitsissutinut qanitariissunut aamma ilaapput atuartitsissutaanngitsut.

4. Ilinniarnertuunngorniartarneq pillugu Inatsisartut inatsisaat nr. 13, 22. november 2011-meersumi ”angusimasanullu karakterii kingullit” ersinngimmat Naalakkersuisunut ataatsimiititaliamit malugeqquneqarpoq. Illuatungaani ”angusat tunngavigalugit karakterit tamarmik” Naalakkersuisunit pineqarpa?

Akissut:

Takuuk apeqqut 2-mut akissutigineqartooq.

Ilumoorpoq ilinniarnertuunngorniartarneq pillugu Inatsisartut inatsisaat nr. 13, 22. november 2011 naapertorlugu ”killiffimmi karakterini tamani”, kisianni ilinniarnertuunngorniartarneq pillugu allannguutissatut siunnersuummi ”killiffimmi karakterini tamani” oqaasertarineqarluni.

Ilisimatitsissutigineqassaarli Naalakkersuisut ataatsimiititaliap apeqqutaanut akissutisiorneranni malugineqarmat inatsisissatut siunnersuutip kalaallisua qallunaatuuvalu imminnut naapertuutinngitsut. Kalaallisunngortitsilluni nutserinermi kukkusooqarsimavoq ilinniarnertuunngorniartarnermut inatsimmi atuuttumi oqaasertaliunneqarsimasooq ”killiffimmi karakteri tamani” atorineqarsimammatt, qallunaatuuani atorineqarsimalluni ”samtlige afsluttende standpunktskarakterer”. Taamaattumik Naalakkersuisut allannguutissatut siunnersuummik saqqummiussinissartik siunniuppaat oqaatsit taakku marluk akornanni naapertuuttoqalernissaa anguniarlugu.

”Killiffimmi karakterini tamani” ataatsimiititaliamut akissummi siullermi atorineqarmat ilinniarnertuunngorniartarnermut allannguutissatut siunnersuut innersuutigineqarpoq. Ajuusaarutigineqarpoq oqaasertaliunneqarsimasut paatsoortitsinermik kinguneqarsimammata.

Inussiarnersumik inuulluaqqusilluta



Karl Frederik Danielsen

Meeqqat Atuarfianni Atuarsimanermut Uppernarsaat Afgangsbevis for Folkeskolen

Ateq/navn

CPR-nr.

atuarunnaarneq allagarserneqarpoq/er udskrevet fra

Atuarfik/Skole

Ulloq atuarunnaarfik/Dato for udskrivning

Klassimit/Klassetrin ved udskrivning

Ulloq/Dato

Atuarfiup pisortaata atsiornera/Skolelederens underskrift

Ateq/Navn		CPR nr.
Atuarfik/Skole	Klassi/Klasse	Ulloq atuarunnaarfik/Udskrivningsdato

**Aalajangersimasimasumik qulequtsiilluni suliamut oqaaseqaat /
Udtalelse for Projekt opgaven:**

Atuarfiup nalunaarusiaa / Skolens vidnesbyrd:

Kalaallisut / Grønlandsk
Qallunaatut / Dansk
Tuluttut / Engelsk
Matematik / Matematik
Inuiaqatigiilerineq / Samfundsfag
Upperisalerineq isumalioqqiss / Religion og Filosofi
Inuttut inerikkiartorneq / Personlig udvikling

Ulloq/Dato

Atuarfiup pisortaata atsiornera/Skolelederens underskrift

Ateq/Navn		CPR nr.
Atuarfik/Skole	Klassi/Klasse	Ulloq atuarunnaarfik/Udskrivningsdato

Fysik & kemi / Fysik & kemi
Uumassusilerineq / Biologi
Pinngortitalerneq - nunalerineq / Naturgeografi
Allamiut oqaasii nr. 3 / 3. Fremmedsprog
Assassorneq ilusilersuinerlu / Håndværk & design
Eqqumiitsuliorneq illussanillu titartaaneq / Kunst & Arkitektur
Timersorneq silamiinnerlu / Idræt & Udeliv
Nipilersorneq, einarsorneq, timip aalatinnera isiginnaartitsinerlu / Musik, Sang, Drama & Bevægelse
Ilanngullugit oqaatigiumasat / Supplerende bemærkninger:

Ulloq/Dato

Atuarfiup pisortaata atsiornera/Skolelederens underskrift

Ateq/Navn		CPR nr.
Atuarfik/Skole	Klassi/Klasse	Ulloq atuarunnaarfik/Udskrivningsdato

Meeqqat Atuarfianni Atuarsimanermut Uppernarsaat Afgangsbevis for Folkeskolen

Atuartsissut Fag		10. klassip naammassinerani angusat tunngavigalugit karakteeriliineq Standpunktskarakter ved afslutningen af 10. klasse	Misiltsinnermi karakteerit Prøvekarakter
Kalaallisut / Grønlandsk	piginnaasat / færdighed		--
	allaaserinninneq / skriftlig	--	--
	oqaluttariarsorneq / mundtlig	--	--
Qallunaatut / Dansk	piginnaasat / færdighed		--
	allaaserinninneq / skriftlig	--	--
	oqaluttariarsorneq / mundtlig	--	--
Tuluttut / Engelsk	piginnaasat / færdighed		--
	allaaserinninneq / skriftlig	--	--
	oqaluttariarsorneq / mundtlig	--	--
Matematik / Matematik	piginnaasat / færdighed		--
	allaaserinninneq / skriftlig	--	--
	oqaluttariarsorneq / mundtlig	--	--
Inuiaqatigiilerineq / Samfundsfag		--	
	allattariarsorneq / skriftlig		--
	oqaluttariarsorneq / mundtlig		--
Upperisalerineq isumalioqqiss / Religion og Filosofi		--	
	allattariarsorneq / skriftlig		--
	oqaluttariarsorneq / mundtlig		--
Inuttut inerikkiartorneq / Personlig udvikling		--	
Fysik & kemi / Fysik & kemi		--	--
Uumassusilerineq / Biologi		--	--
Pinnortitalerneq - nunalerineq / Naturgeografi		--	--
Allamiut oqaasii nr. 3 / 3. Fremmedsprog		--	--
Aalajangersimasumik qulequtsiilluni suliamik saqqummiineq / Projekt opgave			--
Assasorneq ilusilersuinerlu / Håndværk & design		--	--
Eqqumiitsuliorneq illussanillu titartaaneq / Kunst & Arkitektur		--	--
Timersorneq silamiinnerlu / Idræt & Udeliv		--	--

Ulloq/Dato

Atuarfiup pisortaata atsiornera/Skolelederens underskrift

Ateq/Navn		CPR nr.
Atuarfik/Skole	Klassi/Klasse	Ulloq atuarunnaarfik/Udskrivningsdato

Nipilersorneq, einarsorneq, timip aalatinnera isiginnaartitsinerlu / Musik, Sang, Drama & Bevægelse	--	--
---	----	----

Karakteriliinermi ataani allattorneqartut atorneqassaput:

Karakteeri A naammassisamut pitsaalluinnartumut ka rakteeriliunneqartassaaq, atuartitsissummi anguniakkanik naammalluartumik naammassinninnermik takutitsisumut, amigaateqanngitsumut imaluunniit annikitsuinnarnik pingaaruteqanngitsumik amigaateqartumut.

Karakteeri B naammassisamut ajunngivissumut karakteeriliunneqartassaaq, atuartitsissummi anguniakkanik annertuumik naammassinninnermik takutitsisumut, annikitsumik ikittuinnarnik pingaarutilinnik amigaateqartumut.

Karakteeri C naammassisamut pitsaasumut karakteeriliunneqartassaaq, atuartitsissummi anguniakkanik naammassinninnermik takutitsisumut, arlalinnik amigaateqartumut.

Karakteeri D naammassisamut ajorpallaanngitsumut karakteeriliunneqartassaaq, atuartitsissummi anguniakkanik annikinnerusumik naammassinninnermik takutitsisumut, amerlasuunik annertuumik amigaatilimmumut.

Karakteeri E naammassisamut naammattumut karakteeriliunneqartassaaq, atuartitsissummi anguniakkanik minnerpaamik akuerineqarsinnaasumik naammassinninnermik takutitsisumut.

Karakteeri Fx naammassisamut naammaginangitsumut karakteeriliunneqartassaaq, atuartitsissummi anguniakkanik akuerineqarsinnaasumik takutitsinngitsumut.

Karakteeri F naammassisamut akuerineqarsinnaanngilluinnartumut karakteeriliunneqartassaaq.

Ved karaktergivningen anvendes følgende karakterskala:

Karakteren A gives for den fremragende præstation, der demonstrerer udtømmende opfyldelse af fagets mål, med ingen eller få uvæsentlige mangler.

Karakteren B gives for den fortrinlige præstation, der demonstrerer omfattende opfyldelse af fagets mål, med nogle mindre væsentlige mangler.

Karakteren C gives for den gode præstation, der demonstrerer opfyldelse af fagets mål, med en del mangler.

Karakteren D gives for den jævne præstation, der demonstrerer en mindre grad af opfyldelse af fagets mål, med adskillige væsentlige mangler.

Karakteren E gives for den tilstrækkelige præstation, der demonstrerer den minimalt acceptable grad af opfyldelse af fagets mål.

Karakteren Fx gives for den utilstrækkelige præstation, der ikke demonstrerer en acceptabel grad af opfyldelse af fagets mål.

Karakteren F gives for den helt uacceptable præstation.

*: Misilitsittussaangilaq / Fritaget **: Napparsimavoq / Sygdom ***: Allat / Andet ****: Takkutinngilaq / Udeblevet *****: Peersitaavoq / Bortvist

☐: Atuartitsissut atuarfimmi makitaangilaq / Faget er ikke udtrykket på skolen

☐☐: Atuartoq atuartitsissutini qanitariissuni sumiiffinni ataasiakkaani toqqagassani atuartinneqarsimangilaq / Eleven har ikke modtaget undervisning i disciplinen i fagområdet Lokale valg



Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliaq

Ilinniarnertuunngorniarneq pillugu Inatsisartut inatsisaata allanngortinnera pillugu Naalakkersuisunut apeqqtinut akissutit

12-11-2020
Sagsnr. 2019 - 21551
Akt nr. 15341629

Asasakka Kultureqarnermut, Ilinniartitaanermut, Ilisimatusarnermut Ilageeqarnermullu
ataatsimiititaliami ilaasortat.

Postboks 1029

3900 Nuuk

Tlf: +299 34 50 00

Email: ikin@nanoq.gl

www.nanoq.gl

Ataatsimiititaliamit allagaq tigusimavara 10. november 2020-meersoq, allakkatigut
apeqqutit UKA 2020/193, uunga siunnersuut: Ilinniarnertuunngorniarneq pillugu
Inatsisartut inatsisaata allanngortinnera pillugu.

Apeqqtigineqartut akisimavakka apeqqtit allaqqinnerisigut kingornatigullu akissutit
uiguutiliutiinnarlugit ikkuttarlugit.

1. Inatsisissatut siunnersuutikkut allannguutit tunngavigalugit GU-mi qaffasissutsip
apparnissaa Naalakkersuisunit ilimagineqarpa? Akissummi
itisilerneqaqquneqarpoq.

Akissut: Oqaaseqaatini ilinniarnertuunngorniarneq pillugu allanngortitsinissamik
siunnersuummi allaqqavoq (oqaaseqaatit tusarniaanermi akissutigineqarsimasut ataanni)
imatut nalilerneqaqqangitsoq, GUX-ip atuagarsornikkut qaffasissusaata
allanngortitsinissamik siunnersuutip arlaannaatigulluunniit appartissagaa.

Naalakkersuisut kissaatigaat ilinniartitaanerup qaffasissusaata qaffatsinnissaa aamma
tamanut ilinniagaqarnissamik periarfissanik pilersitsinissaq, ilinniagaqaqqinnissamik
angusaqarluarusussuseqartunut. Tamanna atuuppoq, nunami sumiiluunniit
najugaqaraluaanni.

Allanngortitsinerup qulakkiissavaa pitsaanerusementik aamma eqaannerusementik ilinniarfiit
sinaakkuteqarnissaat. GUX-imi ilinniarnernerup assigiinngisitaartumik
neqerooruteqartarneratigut, assigiinngitsunut sullinniakkanut tulluussakkamik,
assigiinngisitaartumik nukittuunik ilinniarfinnik pilersitsinarneq anguniagaammat.
Naleqqussarnerup amerlanerpaanik kivitsinissamik periarfissaqartitsinissaa
anguniagaammat, sumiiffii eqqorlugit, tassuunakkullu ilinniartoqatigiit nukittorsartariiallit
tapersorsorneqarnerisigut qaffasaanissaq anguneqassammat. Ilanngullugu
qinnuteqartartunut tigusiniarnermi suleriutsip takujuminarsarneqarnissaa
anguniagaammat, taamaalilluni qimataqannginnissaq malittarisaanik,
takujuminaassinnaasuni pinaveersaarnarlugu.

2. HF-imi ilinniagaq siornagut neqeroorutaasarsimasup maannalu ukiunik 2-nik sivilissusillip GU-mik ilinniarnep suut assigiinngissutigivaat/ assigiissutigivaat.

Akissut: Takuuk apeqqu 5.

3. HF-imi pilersitsinissamat suut periarfissaappat (qaffasinnerusumik piareersarluni soraarummeerneq) inatsisissatut siunnersuummi ukiuni 2-ni GU-mik ilinniakkamat taarsiullugu?

Akissut: Takuuk akissut 5.

4. Danmarkimi ingerlaqqittumik atuaqqikkusuttunut ilinniakkat nutaat ukiuni 2-ni aamma 4-ni sivilissusillit suni iluaqutissartaqarpat aammalu sunik akornutissartaqarpat?
 - a. Kalaallit Nunaanni GU-mik ukiuni 2-nik imaluunniit 4-nik sivilissusillit naammasisimagaanni suut ingerlaqqittumik ilinniakkat tiguneqarsinnaappat?

Akissut: GUX ukiuni 2-ni pillugu akissut 5 takuuk.

GUX Nuuk ukiuni arlaqalersuni misiliutitut ingerlataqarsimavoq timersornermut sammisumik ilinniarnemi, ilinniartut ukiut 4-at atortarlugit GUX ukiunut 3-noortup ingerlannerani. Piffissamik annertunermik atuneq tassaavoq ilinniartut ataasiakkaarlutik timersuumminnik aallussinerunissaat, taamaalillutik skema ulikkaaqqatittuaannarsinnaallugu. Ilinniarneq ataqatigiissarneqarpoq GIF-imit Elite Sport Greenland-imiillu. Allanguutissatut siunnersuutip aallaavigaa ilinniakkamik taassuminnga toqqaanerup inissaqartinnissaa aamma ilinniakkat allat neqeroorutaasut ukiuni 4-ni ingerlasussat assigalugit. Imatut paasillugu, ukiuni 4-ni atuarnep ingerlanneqarsinnaanerani ammaaneq, allanik piginnaasanik ineriartortitsinissamik siunertaqarluni, imaluunniit soorlu ilinniartunut immikkut pisariaqartitsisut eqqarsaatigalugit. Timersornermut sammisumik ilinniarneq avatangiisinut- aamma peqqissutsimut tunngasumik sammiveqarpoq aammalu assinganik periarfissaalluni ukiuni 3-ni sivilissusillimik ilinniagaqarnertut.

Ilinniarnertuunngorniarnep ilinniarnep sivilissusaa 2-, 3- imaluunniit ukiunik 4-anik ingerlagaluarpat tamanut atuuppoq, ataasiakkaat ilinniariaatsimi ingerlanneqarnerat, tassaasoq ilinniarnep ingerlariaqqiffissanut aalajangiisartoq, ingerlariaqqinniarnemi qinnuteqarnemi. Ingerlariaqqinniarnep ilinniarnep assigiinngitsuni immikkut akuerineqarnissamat piunasaqaatitaqarsinnaasarput. Fag-it aalajangersimasuusinnaapput, qaffasissutsit imaluunniit karakter-it, anguneqarsimasussat – tassa tamaat isigalugu ilinniarnertuunngorniarnep allagartartaanerup saniatigut. Tassani aamma atuuppoq danskit ilinniarnertuunngorniarnep soraarummeertarnerat aammalu ilinniarnep allanut ingerlaqqittarnerat.

Maannakkut ilinniarnep sammivii tamarmik, maani nunatsinni, ilinniarnertuunngorniarnep soraarummeernissamat piunasaqaatinut naleqquttuupput – qanoq sivilutigineri apeqqutaanatik. Maannakuugallartoq GUX-imi ilinniarnertuunngorniarnep allannortinniassallugit pilersaaruteqartoqanngilaq, ilinniarnep piginnaalersitsinngitsumik imaluunniit ilinniarnertuunngorniarnep soraarummeernep. Imatut oqaatigalugu, GUX-imi ilinniarnertuunngorniarnep tamarmik ilinniarnep

atuutilersinneqarnerani siunertaasimavoq, ilinniarnertuunngorniarnermik ataasiusumik ilinniartitsissutissanilli immikkut ilinniarfiusinnasoqassasoq. Tamannalu tunngavigineqarsimasoq atorunnaarsinneqassaaq, HF siunissami eqquteqqinneqassappat, tamannalu inatsimmik allannguineramik piumasaqaatitaqassaaq. HF-ip GUX ukiuni 2-ni ingerlasusaaq isigissagaanni, allannguinnissamik pisariaqartoqarsorineqanngilaq.

GUX ukiuni 2-ni ingerlasoq, misiligutitut ingerlasoq, ilinniagaq oqitsuinnaanngilaq. Nalunaaquttat akunnerpassuupput, ukiuni 2-ni taamaallaat A-tut qaffasitsigisut fag-it ingerlanneqartussaapput, GUX ukiuni 3-ni ingerlasut ukiuni 3-ni angusassaata assigalugit.

GUX ukiuni 2-ni ingerlasoq ilinniarnertuunngorniarnarluni soraarummeernertaqarpoq aamma taamaalilluni ilinniaqqiffinnut allanut ingerlariaqqinnissamut aqqutissiussilluni. Kisianni ukiuni 2-ni qaffasissumik fag-it anguneqarsinnaasut ikinnerupput, taamaattumillu ilinniaqqiffissat, fag-inik immikkut qaffasissutsinillu angusaqarsimanissamik piumasaqaatitaqartut, GUX ukiuni 2-ni ingerlanneqartumi anguneqarsinnaanngillat saniatigut ilaartuinnikkaanni. Taamaattumik, ilinniarnarup naatsumik aamma takinerulaartumik ilinniagaqarnarluni ingerlariaqqinniarlutunut sammineruvoq.

Suleqatigiisitaq Kalaallit Nunaanniit Islandimiillu ilaasortaataqartoq upernaami 2017-imi tunniussaqaarsimavoq innersuussutitalimmik Kalaallit Nunaanni qarasaasiakkut ilinniartitsineramik taallugu (e-undervisning). Suleqatigiisitaq suliarisimavaa ataatsimiititaliaq ilinniartitaanermut Naalakkersuisoqarfimmeersoq aqqutigalugu. Suleqatigiisitap innersuussutimini tunngavilersuutigisimavaa qarasaasiakkut atuartitsinerit Qallunaat Nunaanniit Islandimiillu misilittakkat aallaavigalugit. Misileraaneq eGUX aallarneqarsimavoq innersuussutigineqartut taakkut tunuliaqutaralugit. Atuartitsiviusumi 2019/20-p kingorna qiteqqunnerani naliliisoqarsimavoq aamma misileraaneq naliliiffiqineqaaqqissalluni atuartitsiviup 2020/21-p kingorna. Qulaani taaneqartut taamaalillutik tamakkiisumik misissuinerit periarfissallu ilinniaqqiffiusinnaasut naliliiffiqineqassapput, aamma misileraanerit ingerlasut misilittakkanik katersiffiqineqassammata sinaakkutinik sananissami siunissamilu aalajangiinissamut toqqammavissatut atugassatut.

Inussiarnersumik inuulluaqqusilluta


Katti Frederiksen